

順昌縣志卷一

方域

沿革

順昌縣本漢建安縣地唐貞觀三年以將樂東南兩鄉置將水場

案貞觀三年置

將水場乃割將樂東南二鄉非割建安東南二鄉閩中沿革表考證甚詳舊志沿革表作建安二鄉誤

嗣聖四年分南鄉將

水口為蠲科鎮

案嗣聖四年即武后垂拱三年

景福二年改為將水鎮尋改永順場隸建

州後唐長興四年王延鈞僭號改元龍啟升福州為長樂府領縣十四是

歲以建州永順場為順昌縣後晉開運二年王延政復析出順昌改隸劍

州

即延平府

宋熙甯三年以縣境褊小割劍浦縣交溪鄉以益之元清仍舊民

國因之

八閩通志淳熙三山志太平寰宇記閩中沿革表紀元編

按舊志云順昌舊稱漢乾祐元年南唐始置為縣何氏閩書云南唐

以永昌場置一云保大六年置順昌縣於建州永昌場按十國春秋

順昌縣志

卷一

方域

閩永隆二年王延政取永平順昌二城是順昌之名似不自南唐始

攷宋白續通典云唐景福二年置將水鎮改永順場尋立為順昌縣

似應以宋白續通典為據是舊志亦不主順昌由南唐始置也惟攷

淳熙三山志稱後唐長興四年王延鈞僭號始改永順為順昌縣並

不與置永順場同時是順昌之名不始於南唐亦不始於唐乃始於

後唐閩中沿革表謂當以三山志為定今從之



疆界

順昌縣在省治西北依民國十七年福建省全圖實測東西廣七十八里
南北縱一百零二里 舊志作廣九十里袤七十里

從縣治東至南平縣一百二十里以三連鋪三十里爲界

從縣治西至邵武縣一百八十里以富屯六十里爲界

從縣治南至將樂縣一百里以婁杉鋪三十五里爲界

從縣治北至建陽縣二百六十里以角岩一百四十里爲界

從縣治西南至將樂縣一百里以扶延山六十里爲界

從縣治東北至建陽縣二百六十里以桐墩一百三十里爲界

從縣治東南至沙縣一百里以山墟五十里爲界

從縣治西北至甌甯一百五十里以東源六十里爲界 以上參府志

按東源在縣治東北甌甯同府縣志均稱西北似誤

順昌縣志

卷一

方域

二

形勢

順昌奧區墳衍當江廣汀邵之衝邑志稱華陽爲祖山溯其原則遠自建甯府國巖山抽幹起伏頓挫而歷梁溪過丁坑明狀頭丁顯里居梅岐紆迴六十里至邑之崧溪都九龍山盤結團聚嵯峨列峙蜿蜒若龍巔有菴曰九龍菴是爲邑太祖山自是穿田於潦濱度峽於東源由崎龍至謝坑若弛重息踵者乃復豎脊挺步至仙源都華陽山三峯森列疊翠千尋是有仙壇丹竈爲山之少祖旋斷續起伏騰躍十許里爲豸角峯實爲縣山之少宗自此走雙髻峯逆水而上十餘里至縣北入城而作邑水則西源邵武東源將樂合流入十里會沙縣而注劍溪延屬勝區也

舊志府志王杰舊志序

順昌縣志

卷一

方域

四

星野

舊志云順昌延屬邑延爲古閩越地歷代星書皆以斗牛爲吳越揚州之分野晉志州郡躔次各言所入度獨於閩越不言閩越與會稽同度則閩越之占固在斗一度也閩於揚爲十之一順於閩又百之一安得星次所當屬之處况西儒之言曰古今經緯黃黑皆差或至於前後易次故星紀古爲丑宮今則進居於子位古人歲差宮與星未嘗易也西法中氣過宮恆星有歲進之差宮無定宿宿則遞居各宮所以能較舊法尤見縝密然大地不過衆星之一以遠鏡窺測天象行星之躔旣不僅五恆星之宿又何止二十有八悟此則星野之說窮近人論此頗詳第在天成象在地成形撮土微區莫不與天之精氣相屬則亦撫拾舊說以存其梗概耳

經緯度

順昌經緯度據民國十七年實測福建省全圖參之教育部審定中華最

順昌縣志

卷一

方域

五

新形勢圖縣治當在東經一百十七度五十七分北緯二十六度四十九分

氣候

順昌之氣候與南平相似據延平舊志云昔人輒謂恆燠少寒究非定論隆冬有雪重裘可御則燠中有寒也然有濃霜而草木或萎或不萎有厚雪而陂塘有冰有不冰則寒中有燠也驗之花卉梅開不必在臘月桃開不必在仲春所謂二十四番花信風幾不可憑至云四時常近夏一雨便成秋此閩粵大概之氣候非延屬之氣候也昨日祈晴今日雨太空亦苦難調停此延屬古時之氣候非今日之氣候也蓋天地氤氳氣化推遷不可以繩尺測如必刻舟求劍未見其有當也

附氣候占驗

農家占驗或有可憑近南平志亦附載今錄之以備參考

正月元日宜陰天逢霜是早年立春晴一日農夫不用力若要禾豐熟但看年頭三個六

二月驚蟄雷鳴米賤春分有雨病稀雨打驚蟄節下雨不得歇

順昌縣志

卷一

方域

六

三月初一逢風雨瘟疫萬人愁清明南風至清明大有秋清明要明穀雨要雨穀雨在月中斗種三擔豐穀雨在月頭斗種收三頭穀雨在月尾禾苗不結尾

四月立夏東風病少初八清明菓多十三十四十五無風無雨歡歌小滿又宜下雨酷暑無憂旱禾甲子庚辰雷震蝗蟲為災奈何四月十四禾生日下雨綿綿穀須積小滿不滿芒種不管

五月端陽有雨是豐年芒種聞雷美亦然夏至風從西北起瓜蔬園內受熬煎有雨三伏不炎炎喫了五月粽寒衣方可送

六月若遇初三雨七十二風時六月熱如火人畜田禾好小暑大暑晴人畜自安甯三伏甚酷熱田禾多不結秋收正堪虞三冬多雨雪

七月立秋須雨雷莫發不然蟲鼠滿田匝處暑必須晴結實自盈盈

八月白露晴涼禾黍穰穰秋分雲多絕好晚禾雷轟電閃米價高奪八月

大菜長價

九月初一若飛霜人民產業傷重陽寒露節無雨冬晴光霜降月如火人
人多病殃更遇雷聲震桑葉貴難當不怕重陽雨只怕重陽風重陽若
刮風明年歲不豐九月二十晴柴炭滿街迎

十月立冬怕逢壬高田枉費心更逢壬子日災害損人民小雪須微雨不
旱祝昇平

十一月初一西風盜賊多更兼大雪有妖魔冬至天陰無日色來年定唱
太平歌冬至在月中無雷亦有風

十二月初一東風六畜羣空若逢大雪來年水竭得晴一日耕田省力大
寒小寒霜雪堆巖來年田野出水洋洋

四個甲子晴天下大太平春丙陽陽無水下秧夏丙洋洋旱煞禾娘秋丙
陽陽乾晒一倉冬丙陽陽無雪無霜

順昌縣志

卷一

方域

順昌縣二十四節氣太陽出入時刻表

按東經一百十七度五十七分
北緯二十六度四十九分推算

節氣	日		出		入	
	上時	分	日	下時	分	秒
節氣	六	五十二	四十二	五	五十二	四十二
立春	六	五十二	四十二	五	五十二	四十二
雨水	六	四十二	三十八	六	二	二十四
驚蟄	六	二十八	二十四	六	十一	四十八
春分	六	十二	二十二	六	十九	十二
清明	五	五十四	四十八	六	二十七	十二
穀雨	五	三十九	二十四	六	三十五	〇
立夏	五	二十六	四十二	六	四十三	二十四
小滿	五	十七	十八	六	五十二	六
芒種	五	十三	二十二	七	〇	三十
夏至	五	十四	十二	七	五	十二
小暑	五	十九	五十四	七	五	三十
大暑	五	二十七	十八	七	一	六
節氣	五	三十五	〇	六	五十二	四十二
立秋	五	三十五	〇	六	五十二	四十二
處暑	五	四十三	二十四	六	三十八	〇
白露	五	五十六	六	六	二十二	二十四
秋分	五	五十七	十二	六	三	五十四
寒露	六	三	五十四	五	四十六	四十八
霜降	六	十二	二十八	五	三十二	二十四
立冬	六	二十二	二十四	五	二十二	四十二
小雪	六	三十三	二十四	五	十五	〇
大雪	六	四十四	四十八	五	十四	五十四
冬至	六	五十三	三十五	五	十九	五十四
小寒	六	五十八	三十五	五	二十八	五十四
大寒	六	五十八	三十五	五	四十五	五十四

順昌縣志

卷一

右表係按照西法就民國二十四年分節氣日推算以後
逐年相差不過在抄數之內分以上無異也較之中法祇
用地支似更準確